

Drög

„Vestfirðir saman gegn ofbeldi og öðrum afbrotum“

Lögreglustjórinn á Vestfjörðum, Árneshreppur, Kaldraneshreppur, Strandabyggð, Reykhólahreppur, Vesturbyggð, Tálknafjarðarhreppur, Ísafjarðarbær, Bolungarvík og Súðavíkurhreppur, Heilbrigðisstofnun Vestfjarða, Heilbrigðisstofnun Vesturlands, Menntaskólinn á Ísafirði, Framhaldsskóladeild Fjölbrotaskóla Snæfellinga (FSN), Héraðssamband Vestfjarða, Héraðssamband Strandamanna, Héraðssamband Hrafna-Flóki, Sýslumaðurinn á Vestfjörðum, Lýðskólinn á Flateyri og Vestfjarðarstofa hafa ákveðið að vinna saman gegn ofbeldi og öðrum afbrotum með sameiginlegum markmiðum og aðgerðum, sem byggðar eru á svæðisbundnum aðstæðum á Vestfjörðum.

Núverandi staða

Samstarfsaðilar hafa farið yfir stöðuna á Vestfjörðum s.s. varðandi núverandi samvinnu, upplýsingar frá sveitarfélögunum, tölfræði lögreglu, upplýsingar úr þolendakönnun lögreglu, niðurstöður Rannsóknna og greininga og upplýsingar frá samráðsfundi samstarfsaðila þann 13. febrúar 2024.

Niðurstöður benda til að víða er unnið gott forvarnarstarf af hendi hinna ýmsu aðila en tækifæri eru til að tengja lykilaðila, efla nánara samstarf og bæta upplýsingaflæði milli samstarfsaðila, enn frekar vegna afbrota- og ofbeldisvarna. Einnig eru tækifæri til að styrkja samvinnu samstarfsaðila á svæðinu til að takast á við ofbeldi og áföll. Við þessa vinnu kom sterkt fram að samstarfsaðilar eru reiðubúnir til að vinna saman að stofnun samráðsvettvangs, bæta enn frekar þjónustu við íbúana í þessum málaflokki og vinna í sameiningu markvisst að öruggari Vestfjörðum.

Markmið svæðisbundna samráðsins er eftirfarandi:

- Vinna enn markvissar að öruggari Vestfjörðum fyrir íbúa landshlutans
- Vinna markvisst að auknum skilningi íbúa Vestfjarða á ofbeldi og skaðsemi þess
- Styrkja grunnstoðir til framtíðar fyrir svæðisbundið samstarf gegn ofbeldi
- Styðja og efla forvarna- og afbrotavarnahlutverk samstarfsaðila
- Efla samstarfsaðila í að takast á við áföll og ofbeldi
- Auka markvisst þekkingu á málaflokknum milli samstarfsaðila
 - á afbrota – og forvarnarvinnu á Vestfjörðum
 - á þeirri þjónustu sem verið er að veita íbúum af hendi mismunandi samstarfsaðila
 - á nýjungum og þróun þjónustu í málaflokknum
- Efla enn frekar samstarf milli mismunandi samstarfsaðila varðandi
 - heimilisofbeldi
 - afbrotavarnir og forvarnir
 - samvinnu við úrlausn mála
- Vinna í takt við önnur verkefni í þágu almannaheilla á Vestfjörðum s.s. VáVest, innleiðingu á farsæld barna, lýðheilsuvísar, áætlanir sveitarfélaga og fl.

Fyrirkomulag samráðsins

Stofnaður verður reglubundinn samráðsvettvangur samstarfsaðila sem samanstendur af aðilum frá þeim sem vinna að málaflokknum á Vestfjörðum. Samráðsfundur er haldinn að jafnaði tvisvar á ári þar sem farið verður yfir framgang þeirra áhersluverkefna sem unnin hafa verið frá síðasta samráðsfundi, niðurstöður nýjustu greininga/mælinga í málaflokknum eru kynntar og ræddar og hugmyndum er safnað fyrir möguleg áhersluverkefni sem unnin verða fyrir næsta samráðsfund.

Stofnað verður framkvæmdateymi sem samanstendur af aðilum sem starfa í umboði þeirra sem undirrita samráðsyfirlýsingu þessa. Hlutverk framkvæmdateymis er að vera leiðandi í þróun samráðsins, undirbúa samráðsfundina, taka ákvarðanir um áhersluverkefni eftir umræður á samráðsfundum og niðurstöður nýjustu greininga í málaflokknum, grípa ný áhersluverkefni milli samráðsfunda ef þörf er á, fylgja áhersluverkefnum eftir og ræða nýjustu þróun í málaflokknum eftir því sem við á. Framkvæmdateymi getur sett á stofn vinnuhópa fyrir stök áhersluverkefni þannig að alltaf sé a.m.k. einn aðili úr framkvæmdateyminu í hverjum vinnuhópi. Framkvæmdateymið fundar a.m.k. 6 sinnum á ári hverju, tíðni funda í áhersluverkefnum er ákveðin af verkefnastjóra og vinnuhópi hvers verkefnis.

Lögreglustjórinn á Vestfjörðum boðar samráðsfundi samstarfsaðila, leiðir framkvæmdateymi og boðar fundi þess. Þátttaka í samráðsvettvangi, framkvæmdateymi og vinna við áhersluverkefni eru unnin sem hluti af daglegum rekstri samstarfsaðila.

Framkvæmdaáætlun

- Innleiða samráðsvettvang á Vestfjörðum sem fundar að jafnaði tvisvar á ári
- Innleiða reglubundna fundi framkvæmdateymis sem fundar a.m.k. sex sinnum á ári
- Auka enn frekar samvinnu og samlegðaráhrif í þeim afbrota – og forvarnarverkefnum sem nú þegar eru í vinnslu hjá samstarfsaðilum
- Leita leiða til að auka enn frekar samvinnu í úrlausn þeirra ofbeldismála sem nú þegar eru í vinnslu hjá samstarfsaðilum
- Skilgreina önnur áhersluverkefni í kjölfar funda samráðsvettvangs
- Skilgreina og innleiða eftirfylgni með þeim mælikvörðum sem valdir verða til árangursmælinga á samráðinu

Samstarfsaðilar skuldbinda sig til að taka þátt í að vinna að framkvæmdaáætlun samráðsvettvangsins. Þátttakendur í framkvæmdateymi sækja umboð til að taka þátt í/hefja ný áhersluverkefni innan framkvæmdaáætlunar til síns vinnustaðar þegar þörf er á.

Gildistími og endurskoðun samstarfsyfirlýsingar

Samstarfsyfirlýsingin gildir frá undirritun og skal endurskoðast í upphafi hvers kjörtímabils eða fyrr ef verulegar breytingar verða á aðstæðum í samfélaginu. Samstarfsaðilar geta sagt sig frá samstarfsyfirlýsingunni á hverjum tímapunkti og skal það tilkynnt skriflega til lögreglustjórans á Vestfjörðum.

(Staður, dagsætning)